

29.11.2016.



Centri civilnih inicijativa (CCI), u saradnji s projektom "Podrška socijalnim partnerima u socijalnom dijalogu", koji finansira Evropska unija (EU), održao je danas u amfiteatru business centra UNITIC u Sarajevu, konferenciju "Socijalni dijalog i reforme".

Cilj konferencije je bio okupiti sve učesnike socijalnog dijaloga u Bosni i Hercegovini, kako bi na otvoren način razmijenili mišljenja o izazovima i problemima s kojima se suočavaju u socijalnom dijalogu (na svim nivoima), s posebnim naglaskom na reformske procese.

Na konferenciji su učestvovali predstavnici entitetskih vlada i Vlade Brčko distrikta BiH, entitetskih i kantonalnih udruženja poslodavaca i sindikata, udruženja poslodavaca i sindikata Brčko distrikta BiH i ostalih nadležnih institucija i međunarodnih organizacija. Tom prilikom se razgovaralo o trenutnom stanju te o mogućnostima za unapređenje procesa i mehanizama socijalnog dijaloga.

Naglašeno je kako je u procesu socijalnog dijaloga ključno da su sve relevantne strane, na svim razinama, istinski uključene. Konstruktivan i efikasan socijalni dijalog između radnika, poslodavaca i predstavnika vlasti u BiH je ključan za ekonomsku budućnost zemlje i jedan je od ključnih izazova na njenom europskom putu.



